

**Zeitschrift:** Annalas da la Societad Retorumantscha  
**Herausgeber:** Societad Retorumantscha  
**Band:** 101 (1988)

**Artikel:** Dr. iur. Gieri Ragaz : 1907-1988  
**Autor:** Joos, Cristian / Ragaz, Gieri  
**DOI:** <https://doi.org/10.5169/seals-235293>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 08.02.2025

**ETH-Bibliothek Zürich, E-Periodica, <https://www.e-periodica.ch>**

## Dr. iur. Gieri Ragaz

1907–1988



Gieri Ragaz barmier e sto dezenis a la lunga tocan tar sia mort cumember da la SRR, digls 1955–1958 a digls 1971–1978 â el fatg part da la suprastanza.

Igls geniturs da Gieri, sieus bab Ivan a sia mama Anna (Nani) naschida Janett vevan marido digls 1900 a dalunga suainter satratgs agl nord digl Mexico, noua c'igl bab luvrava sco manader d'egna cumpagneia da minieras, ple tard â el scho tgavar plùn ad argient sut sieus agen num near anzemen cun oters patrùns. Igls geniturs vevan bi dus buabs ad egna buaba cur c'igls schameals Gieri a Richard en naschieus igls 7 d'avregl 1907 a Santa Barbara, igl Richard e mort 14 mains suainter la naschientscha. Par schar far igls uffants las scolas agn Svizra e la famiglia

turnada digls 1911 ad Andeer, digls 1916 tocan igls 1927 steva ella a Cuira, peia tocan Gieri â gieu fatg la matura se la scola cantunala. Cunquegl ca Cuira ad Andeer en betga lientsch ordapar san ign, tut tanor igls tains digl on near l'ora, midar liac, egn fatg amparnevel pigls ons da giuventetgna a ple tard ear da la vigliadetga digl defunct. El e sto ad Andeer ad a Cuira datgea.

A l'universitad da Turitg â Gieri Ragaz studagieu dretg ad â scret egn dissertaziùn sur da la furmaziùn da las vischnâncas politicas agn Schons.

Digls 1936 – 1947 en igls Ragaz stos an Mexico, igl Gieri luvrava tar Geigy a manava egn'atgna anterpresa da bus. Turno ad Andeer veva el mess an funcziùn egn bagn puril sen fundamaint da las ple novas acunaschientschas ad angascho egn migur. Atgna famiglia â igl Gieri fundo per igls 1950 cun samaridar cun la Mina Cantieni da Pignia a cun lur tres fegls c'en alura naschieus agl ons 50. Ear els â'gl tratg par egn peer ons ve surmar a Mexico (1958 – 1963), ad ear els en puspe turnos par far las scolas an patria, puspe igl amprem ad Andeer, alura a Cuira davent igls 1971.

Ad Andeer tgirava igl Gieri cun premura sieus fùns, sieus grànd a beal iert digl palastet «Mulegn» ad ear igls catiers digl Mulegn, da l'alp Duràn near dad aclas.

A tgea – a savens ear an nudànas – safatschandava igl trapasso cun igl passo, el veva gràndas a bünas ancunaschientschas da l'istorgia locala a da las familias da Schons, cunzund an tgossa da l'emigraziùn. Par quel a tschel veva igl Gieri scret antieras genealogeias. El taneva bagn andamaint parsünas, lur dafar a lur getgas. Ign saveva discurer da quegl a da glioter, mainsvart veva igl Gieri pront egn'anecdota u l'otra. Que dùn cumpletava ear quel da scriver leghras poeseias a vers par salmuiras a tutasorts caschùns, p.s. feastas publicas near me da famiglia.

Igl defunct â adigna tanieu cugl Rumàntsch ad ear luvro par el. Bi sieus bab, ad ear el â rimno sangir tut quegl ca vagneva parmàns. Sias lavurs en da catar anfurma dad artecelts da gasetta a digls calenders rumàntschs ad oters periodics. Trànter quellas catainsa ear spunidas digl spagnol. Igl Gieri à s'angascho an uniùns ad â organiso anqual sera da furmaziùn cun referats near da cultureala.

La cap'ovra â igl autur scret per igls davos ons da veta: l'istorgia da la vischnànca dad Andeer. Ella e ànc betg edida, tgi ca sa da que fatg spescha ussa c'igls fegls metian la crùna sen las prestaziùns da lur bab par l'istorgia locala da Schons.

Igl Gieri Ragaz â banduno nus suainter curta greava malzogna agl ravugl da sia famiglia igls 9 da schaner 1988 a Cuira. Nus angraztgagn ad el cunzund par quegl c'el â scho anavos a quels da Schons ad agli Rumantscheia.

*Cristian Joos*